

## Script Of Evening Gojri News Bulletin 23 June 2024 at 1700 Hrs

ایوننگ گو جری نیوز بلیٹن مورخہ 23 جون 2024

\*\*\*\*\*

یوہ آکا شوانی جموں بے باغ علی طاہر تے عبدالمجید تیں خبر سنو۔ پہلاں خاص خاص خبر۔

\*\*\*\*\*

\*1۔ اٹھارویں لوک سبھا غو پہلو اجلاس پلک شروع ہو رہیو ہے۔

\*2۔ لیفٹنٹ گورنر منوج سنہا غو کہنو ہے جے دہشت گردی جموں کشمیر مانہ ہن آخری

ساہ لے رہی ہے۔

\*3۔ دراندازی مخالف اک کاروانی غے دوران اوڑی سیکٹر مانہ سلامتی دستاں سنگ ہوا

اک ٹاکرہ مانہ اک دہشت گرد ہلاک ہو گیو ہے۔

\*4۔ تے اک ہزار 5 سو 63 امیدواراں غو نیٹ انڈر گریجوٹ امتحان اج دوبارہ لیو گیو۔

\*\*\*\*\*

خبراں غی تفصیل نال پہلاں باغ علی طاہر۔

### Palriament Session

اٹھارویں لوک سبھا غو پہلو اجلاس پلک شروع ہو رہیو ہے۔ اجلاس غے دوران نواں

چنیا گیا ممبران نانہ حلف دوايو جا نیگو۔ بی جے پی غا سنئیر ممبر پارلیمنٹ بھرتی

بری مہتاب جن نانہ عبوری سپیکر غا طور ور تعینات کیو گیو ہے۔ ایوان زیریں واسطے

چنیا گیا ان نواں ممبران نانہ حلف دوايوں گا۔ نویں لوک سبھا غا سپیکر غو انتخاب اس

مہینہ غی 26 تا ریخ نانہ کیو جا نیگو۔ جد کہ صدر جمہوریہ درویدی مرمو لوک سبھا تے

راجیہ سبھا غا مشترکہ اجلاس سنگ آئندہ 27 جون نانہ خطاب کریں گی۔ راجیہ سبھا غو

اجلاس وی 27 جون نانہ شروع وے گو۔ پارلیمنٹ غو یوہ اجلاس آندہ جو لائی مہینہ

گی 3 تا ریخ نانہ اختتام پزیر ہو جائے گو۔

\*\*\*\*\*

### LG Prade

لیفٹنٹ گورنر منوج سنہا غو کہنو ہے جے دہشت گردی ہن آخری ساہ لے رہی ہے۔ تے

یہ ہی وجہ ہے جے دہشت گردی برآمد کرن آلو مہارو گوانڈی بوکھلاہٹ غو شکار ہو

رہیو ہے۔ ان غو کہنو تھو جے دہشت گردی غا حالیہ واقعات دشمن کی بوکھلاہٹ نانہ طاہر

کریں۔ وے بی آر ٹی سی رکیوٹ کا انسٹیبلان غا 16 واں بیج غی پا سنگ آؤٹ پریڈ مانہ

شرکت کر رہیا تھا۔ جے اینڈ کے پا رڈر ہٹالین غا 8 سو 60 کا انسٹیبلان نے تربیتی مرکز

تلواڑہ ریا سی مانہ ٹریننگ حاصل کی ہے۔ جت اس پا سنگ آؤٹ پریڈ غو انعقاد کیو گیو۔

اس بیج مانہ جموں کشمیر غا بکھ بکھ حصاں تیں آیا اعلیٰ تعلیم یا فتنہ افراد شامل ہیں۔

جموں کشمیر پولیس مانہ شامل ہون آلا کا انسٹیبلان غا اس بیج نے اس تربیتی مرکز ور

بہترین پیشہ وارانہ تربیت حاصل کی ہے۔ اس موقع ور بولتاں واں ایل جی موصوف نے

کہیو جے جموں کشمیر پولیس نے ہمیشہ ہی بہترین پیشہ وارانہ صلاحیتاں غو مظاہرو

کرتاں واں ہر للکار تے ہر حالات غو مقابلو کیو ہے۔ ان غو کہنو تھو کہ جے اینڈ کے

پولیس دہایاں تیں بڑی تندہی تے پیشہ وارانہ صلاحیتاں سنگ ملک غی حفاظت مانہ اپنو

کردار ادا کر رہی ہے۔ جس غی وجہ نال جموں کشمیر غی ترقی لگاتار آگے بدھ رہی ہے۔

لیفٹنٹ گورنر نے اس موقع ور بولتاں واں کہیو۔۔۔ بانٹ۔۔۔ پا سینگ آؤٹ پریڈ مانہ شامل

اک کا انسٹیبلان نے وی اپنا خیالات غو اظہار کرتاں واں کہیو۔۔۔ بانٹ۔۔۔

\*\*\*\*\*

## JK Terrorist

وادی کشمیر غا ضلع بارہمولہ غا اوڑی سیکٹر مانہہ کنٹرول لائن ور گذشتہ روز دراندزاں تے سلامتی دستاں ہشکار ہوئی اک جھڑپ مانہہ اک دہشت گرد ہلاک ہو گیا ہے۔ دفاعی ذریعے غے مطابق یاہ جھڑپ کل اُس ویلے شروع ہو گئی جد اک خصوصی سٹو ملن غے بعد سلامتی دستاں نے تاشی کاروائی شروع کی تاشی کاروائی غے دوران علا قہ مانہہ چھپیا وا دہشت گرداں نے سلامتی دستاں ور فائرینگ شروع کر دی۔ تے جوابی کاروائی مانہہ اک دہشت گرد ہلاک ہو گیا مزید تفصیلات غو اجوں انتظار ہے۔

\*\*\*\*\*

## Doda Roads

ضلع ڈوڈہ مانہہ پر دھان منتری گرام سڑک یو جنا غے تحت شیواتیں سنیدرا چکراہانی 7 کلو میٹر سڑک ور لک پان غو جہڑو کم کافی چرتیں ایتوا مانہہ تھو شروع ہو گیا ہے۔ اس سڑک ور لک پین نال علاقہ غو رابطو دوجا علاقن نال ہو جائے گو۔ اس علاقہ غا لوکاں نے وزیر اعظم مودی غی قیادت مانہہ سرکار غو اس کم واسطے دل تیں شکریوادا کیو ہے۔ اس دیرانہ مانگ غا پورا ہون نال خطہ مانہہ سیل سفاح ناتہہ باہدو ملے گو۔ نالے اس علاقہ گا لوکاں غی معاشی حالت بہتر وے گی۔ اس بارے بولتاں واں اک مقامی شخص تے اک عہدیدار نے اس طرح کہیو۔۔ بانٹ۔

\*\*\*\*\*

## Shyama Prasad Mukherjee

ملک پھر غی طرح ضلع سانہہ مانہہ وی بھارتیہ جن سنگ غا پانی ڈاکٹر شیامہ پرساد مکھرجی غو 71 ووں شہیدی تہاڑو منایو گیو۔ اس سلسلہ مانہہ اہم تقریب سانہہ مانہہ بھارتیہ جنتا پارٹی غا دفتر مانہہ پارٹی غا ضلع صدر کشمیرا سنگھ غی صدارت مانہہ منعقد ہوئی۔ اوں امب پھلہ جموں مانہہ تریکوٹہ یا تری نواس ور خون غا عطیہ غو اک کیمپ وی لایو گیو جت بی جے پی لیڈر دویندر سنگھ رانا نے ڈاکٹر شیامہ پرساد مکھرجی نانہہ خراج عقیدت پیش کیو۔ اس کیمپ مانہہ 27 افراد نے خون غو عطیہ دتو۔

\*\*\*\*\*

یہ خبر تم آکا شوانی جموں تیں سن رہیا ہیں خیراں غا باقی حصہ نال عبدالمجید۔

## NEET Retest

یوچی نیٹ غا امتحان مانہہ جن امید واراں نانہہ رعایتی نمبرات دتا گیا تھا اُن تمام 1 ہزار 5 سو 63 امید واراں غو اج دوبارہ امتحان لیو گیو۔ نیشنل ٹیسٹنگ ایجنسی نے اس مہینے جاری نوٹیفکیشن مانہہ دسیو تھو جے امتحان بعد دوپہر 2 بجائیں 5 بج غے 20 منٹ توڑی منعقد ہووے گو۔ تے این ٹی اے غی ہائی پا ور ڈ کمیٹی غی رپورٹ ور عدالت عظمیٰ غا مشاہدہ غے مطابق دوبارہ امتحان غو فیصلو لیو گیو تے 1 ہزار 5 سو 63 امید واراں نانہہ نمبرات مانہہ دتی رعایت نانہہ ختم کیو گیو۔ قومی ٹیسٹنگ ایجنسی نے یوہ وی دسیو ہے جے جہڑا امید وار دوبارہ امتحان دینو نہیں چاہتا اُن غا امتحان غو نتیجو پچھلے مہینے غی 5 تاریخ منعقد ہوا امتحان مانہہ حاصل کیا وا نمبرات غے مطابق اعلان کیو جائے گو۔

\*\*\*\*\*

## NEET Exam

سی بی آئی نے نیٹ یوچی امتحان مانہہ ہوئی مبینہ بیرا پھیری غا معاملہ مانہہ ایف آئی آر درج کر لی ہے۔ سی بی آئی غا ذریعے غے مطابق یاہ ایف آئی آر وزارت تعلیم غی

طرفوں کی گئی شکایت غے بعد درج کی گئی ہے۔ سی بی آئی مُلک پھر مانہہ اس کیس غی تحقیقات غا سلسلہ مانہہ دائر کیا گیا معاملن نانہہ اپنا ہتھ مانہہ لین بارے وی اقدام کر رہی ہے۔ واضع رہ جے نیشنل ٹیسٹنگ ایجنسی این ٹی اے نے نیٹ انڈر گریجویشن امتحان گذشتہ مہینہ غی 5 تاریخ نانہہ منعقد کرایو تھو۔ جس غے بعد امتحان غے دوران بدعنوانی، نقل کرن، امیدوار غی جگہ دوجا شخص غی طرفوں امتحان مانہہ شامل ہون تے کئی دوجی قسم غی بیرا پھیریاں غی پورا مُلک تیں اطلاعات موصول ہو ئی تھیں۔  
\*\*\*\*\*

## NEET Exam 2

نیٹ امتھان ور پیدا ہوا تنازعہ غے دوران قومی ٹیسٹنگ ایجنسی این ٹی اے غا ڈائریکٹر جنرل سوہو دھ کمار سنگھ نانہہ ڈائریکٹر جنرل گا عہدہ تیں ہٹا دتو گیو ہے۔ تے اُن نانہہ پر سنل تے ٹریننگ محکمہ مانہہ رکھیو گیو ہے۔ تجارت غا فروغ بارے بھارت تنظیم غا چیرمین تے ایم ڈی پر دیپ سنگھ کھارولا نانہہ این ٹی اے غا ڈائریکٹر جنرل غو اضافی چارج دتو گیو ہے۔  
\*\*\*\*\*

## Khatana Ramban

راجیہ سبھا غا ممبر غلام علی کھٹانہ نے رام بن ضلع غا بانہال دورہ غے دوران پارٹی کارکنان تے ووٹراں غو شکریو ادا کرتاں واں کہیو ہے جے اُنہاں نے بی جے پی سرکار نانہہ لگاتار تیجی وری جتا غے حکومت سازی غو موقعو دتو ہے۔ اُن غو کہنو تھو جے ہم سماج غا تمام طبقات غی یکساں ترقی غی کوشش کرتا راں غا۔ تے اس سلسلہ مانہہ کسے وی طبقہ سنگ کو ئے فرکو فرقی نہیں کی جائے گی۔ اُن غو کہنو تھو جے اُنہاں نے افسراں نانہہ ہدایت کی ہے جے وے سماج غا تمام طبقات غی ترقی مانہہ شفافیت، تبدیلی، ایمانداری تے جوش و جذبہ غو مظاہرہ کریں۔ تا نجے لوکاں نانہہ سرکار سکیمان گو زیادہ توں زیادہ فائدو پُجایو جا سکے۔ آکا شوانی سنگ گل کرتاں واں جناب کھٹانہ نے کہیو... بانٹ..  
\*\*\*\*\*

## Poonch Floriculture

پونچھ غا با شندہ نے ننگالی گراں مانہہ ڈیرہ سنت پورا ننگالی صاحب غے نزدیک پُلاں غا باغ غی تعمیر واسطے سرکار غو شکریو ادا کیو ہے۔ یوہ پُھلاں غو باغیچو تقریباً 6 کنال زمین ور پھیلیو وہ ہے۔ اس پروجیکٹ غے ذریعے مقامی معیشت تے ماحول نانہہ باہدو ملے گو تے انتظامیہ غا اس وعدہ نانہہ پورو کرن ور میونسپل کو نسل پونچھ غا سابق صدر راجندر سنگھ نے انتظامیہ غی سراہنا کرتاں واں اُسگو شکریو ادا کیو ہے۔ ننگالی مانہہ پُھلاں غا اس باغ غی تعمیر نال امید ہے جے ات سیلانی آویں گا تے ات غا لوکاں نانہہ وی تفریح واسطے اک جگہ لے گی۔ ننگالی تے گردونواح غا لوکاں نے اس پروجیکٹ غو پُر جوش خیرمقدم کیو ہے تے امید ظاہر کی ہے جے یوہ پروجیکٹ اک مثبت تبدیلی لیا وے گو۔ پُھلاں غا اس باغیچہ نانہہ پونچھ غی معاشی خوشحالی آئے پاسے اک قدم تے ترقی غا اک نشان غے طور ور دیکھیو جا رہیو ہے... بانٹ..  
\*\*\*\*\*

## Weather

محکمہ موسمیات نے دسیو ہے جے جموں کشمیر، ہماچل پردیش، اُترکھنڈ تے کول کال غا علاقان مانہہ اگلا 2 تیں 3 دنان مانہہ گرج چمک نال بارش تے تیز آندھی طوفان چُلن غو

امكان بے۔ جموں كشمير غى سارى جگهاں وى تازه بارش تے گرج چمك بوندا با  
ندى ہون غى اُميد بے۔

\*\*\*\*\*

اس غے نال ہى خبراں غو يوه بليٹن ختم ہوؤ۔